



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-04-11-37002-4/25
Sarajevo, 02.07.2025. godine

Na osnovu člana 10a. stav 1 . tačka f) Zakona o javnim nabavkama ("Službeni glasnik Bosne i Hercegovine", broj 39/14, 59/22 i 50/24), člana 15. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine" broj 45/25), Odluke Vlade Kantona Sarajevo kojom se ovlašćuje Ministarstvo finansija Kantona Sarajevo da provede postupak dugoročnog kreditnog zaduživanja Kantona Sarajevo u 2025. godini putem javnog poziva, broj:02-04-36654-42/25 od 26.06.2025. godine i Odluke Ministra finansija Kantona Sarajevo o pokretanju javnog poziva za dugoročno kreditno zaduživanje Kantona Sarajevo u 2025. godini, broj : 08-04-11-37002-3/25 od 30.06.2025. godine, Ministarstvo finansija Kantona Sarajevo, objavljuje

JAVNI POZIV za dugoročno kreditno zaduživanje Kantona Sarajevo u 2025. godini

1. Ministarstvo finansija Kantona Sarajevo (u daljem tekstu: Ministarstvo) ima namjeru provesti postupak dugoročnog kreditnog zaduživanja Kantona Sarajevo u 2025. godini do iznosa 90.000.000,00 KM (slovima: devedesetmiliona i 00/100 KM), za potrebe finansiranja dijela kapitalnih projekata i akumuliranog deficita iz predhodnih godina planiranih u Budžetu Kantona Sarajevo za 2025. godinu.
2. Opći uslovi koje banka mora ispuniti iz ovog javnog poziva, su:
 - a) da ponuđač u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;
 - b) da ponuđač nije pod stečajem ili da nije predmet stečajnog postupka, osim u slučaju postojanja važeće odluke o potvrdi stečajnog plana ili da nije predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;
 - c) da je ponuđač ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;

- d) da je ponuđač ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;
- e) ponuđači moraju biti registrovani za obavljanje djelatnosti koja je predmet ovog javnog poziva.

3. Opis predmeta javnog poziva:

Predmet ovog javnog poziva je dugoročno kreditno zaduživanje Kantona Sarajevo kod banaka, za potrebe realizacije finansiranja dijela kapitalnih projekata i akumuliranog deficita iz predhodnih godina planiranih u Budžetu Kantona Sarajevo za 2025. godinu, u iznosu do 90.000.000,00 KM (slovima: devedesetmilion i 00/100 KM), sa fiksnom kamatnom stopom na godišnjem nivou i jednokratnom naknadom na iznos odobrenog kredita, uz minimalni rok otplate 10 (deset) godina uključujući 3 (tri) godine grace perioda i mjenicama kao instrumentom obezbjeđenja, sa mogućnošću ugovaranja sa ili bez valutne klauzule uz primjenu službenog deviznog tečaja/kursa EUR/KM 1,95583 utvrđenog Zakonom o Centralnoj banci BiH.

4. Kvalifikovanost banaka za dugoročno kreditno zaduživanje iz tačke 1. ovog javnog poziva izvršit će se na osnovu sljedećih kriterija:

- a) visina kamatne stope i naknade do 4,2% (EKS);
- b) vrsta kamatne stope- fiksna;
- c) rok otplate kredita minimalno 10 (deset) godina uključujući 3 (tri) godine grace perioda;

Rang lista će biti sastavljena prema rastućem redosljedu efektivne kamatne stope, pri čemu će banka sa najnižom efektivnom kamatnom stopom biti rangirana na prvom mjestu.

U slučaju da dvije ili više banaka dostave ponudu sa jednakom visinom kamatne stope i naknade do 4,2% (EKS), prednost će se dati banci sa većim ponuđenim iznosom.

5. Dodjela ugovora

Ugovori će se dodjeljivati kvalificiranim bankama koje su ispunile uslove iz tačke 2. i kriterije iz tačke 4., a u skladu sa rang listom iz tačke 4. ovog javnog poziva.

Kreditno zaduženje će se koristiti za finansiranje dijela kapitalnih projekata i akumuliranog deficita iz predhodnih godina koji su planirani u Budžetu Kantona Sarajevo za 2025. godinu i koji su sastavni dio ovog javnog poziva.

Iznos finansiranja dijela kapitalnih projekata i akumuliranog deficita iz predhodnih godina će se ugovarati sa odabranim bankama.

Ugovori sa odabranim bankama će biti zaključeni nakon donošenja Odluke o dugoročnom kreditnom zaduženju Kantona Sarajevo od strane Vlade Kantona Sarajevo i davanja predhodne pisane saglasnosti za zaduživanje od Federalnog ministarstva finansija Kantonu Sarajevo.

6. Zainteresovane banke, trebaju dostaviti sljedeću dokumentaciju:

a) Obrazac ponude (PRILOG OBRAZAC I),

b) Izjava (PRILOG OBRAZAC II),

Ponudač može uz svoju ponudu i Izjavu, (PRILOG OBRAZAC I i II), odmah dostaviti i tražene dokaze iz tačke 2. od a) do d). Ovim se ponudač oslobađa obaveze naknadnog dostavljanja dokaza ako bude izabran. Dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od dana predaje ponude, a dostavlja ih izabrani ponudač u roku ne dužem od 5 (pet) dana od dana prijema odluke o izboru ponuđača. Dokazi moraju biti fizički dostavljeni na Protokol Kantona Sarajevo najkasnije peti dan po prijemu odluke o izboru, a najkasnije do 16 sati.

Ponudač kojem bude dodijeljen ugovor obavezan je da dostavi sljedeće dokumente kojima će potvrditi vjerodostojnost date izjave iz tačke 6. b):

- uvjerenje nadležnog suda (prema sjedištu pravnog lica) kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- potvrdu od Suda Bosne i Hercegovine kojom dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Kao dokaz o ispunjavanju uslova iz tačke c) i d) Ministarstvo prihvata i sporazum ponuđača sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da ponuđač u predviđenoj dinamici izmiruje svoje reprogramirane obaveze.

c) Kao dokaz o ispunjavanju uslova iz tačke 2. e) ponuđač treba dostaviti:

- dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje



- njihovo pravo da obavljaju profesionalnu djelatnost, koja je u vezi sa predmetom ovog javnog poziva. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.
 - dozvola za rad izdata od strane Agencije za bankarstvo. Dokazi koji se dostavljaju moraju biti originali ili ovjerene kopije.
- d) Ponudač je dužan dostaviti kopiju ID i PDV broja,
- e) nacrt ugovora (popunjen, potpisan i ovjeren),

Obrazac - ponude iz tačke 6. a) ovog javnog poziva, Obrazac - Izjava iz tačke 6. b) i nacrt ugovora tačke e) su sastavni dio dokumentacije koju banka preuzima na web stanici Ministarstva radi prijave za učešće banke iz ovog javnog poziva.

f) Preliminarni otplatni plan u skladu sa dostavljenom ponudom.

7. Kalkulativni datumi za izradu ponude

Ponudač za izradu svoje ponude može koristiti sljedeće kalkulativne datume:

- Datum plasiranja kredita je 01.09.2025. godine
- Datum prvog obračuna kamate je 01.12.2025. godine
- Datum isteka grace perioda je 01.09.2028. godine
- Datum dospijeca prve otplate glavnice kredita je 01.12.2028. godine

Otplata kamate u grace periodu je kvartalno unazad. Po isteku grace perioda otplata dospjelih obaveza vršit će se kvartalno unazad.

Kod obračuna kamate primjenjuje se jednostavna metoda na bazi 365 dana.

Banka će formirati konačan otplatni plan na dan uplate sredstava na račun JRT Kantona Sarajevo koji ne može biti veći od dostavljene ponude Banke.

Zainteresovani ponuđači mogu tražiti pojašnjenje ovog javnog poziva od Ministarstva putem e-maila, i to blagovremeno, a najkasnije 5 (pet) dana prije isteka roka za podnošenje ponude.

Ministarstvo će pripremiti odgovor na postavljeno pitanje u pisanoj formi u roku od 2 (dva) dana, a najkasnije 3 (tri) dana prije isteka roka za dostavljanje ponuda.

8. Rok i način dostavljanja prijave za učešće

Prijava/ponuda za učešće zajedno sa pratećom dokumentacijom dostavlja se najkasnije do 16.07.2025. godine do 12h.

Ponude važe 120 dana od dana otvaranja ponuda.

Prijava/ponuda za učešće dostavlja se u zatvorenoj i zapečaćenoj koverti na adresu:
Protokol Kantona Sarajevo
Reisa Džemaludina Džauševića br. 1, 71000 Sarajevo

Na koverti obavezno naznačiti: „Za Ministarstvo finansija Kantona Sarajevo - Prijava na Javni poziv za dugoročno kreditno zaduživanje Kantona Sarajevo u 2025. godini” - „NE OTVARATI”.
Prijava/ponude za učešće koje budu dostavljene nakon navedenog roka neće biti razmatrane.
Dokumentacija za prijavu, uključujući i nacрте ugovora koji se zaključuju između Ministarstva i banaka, banke mogu preuzeti na WEB stranici Ministarstvu finansija Kantona Sarajevo.

Javno otvaranje ponuda će se održati 16.07.2025. godine u 13:00 sati, u Multimedijalnoj sali Kantona Sarajevo, ul. Reisa Džemaludina Čauševića br. 1.

Ponudāči ili njihovi ovlašteni predstavnici, kao i sva druga zainteresovana lica mogu prisustvovati otvaranju ponuda.

Obavijest o rezultatima izbora dostavit će se svim bankama koje su dostavile prijavu/ponudu za učešće.

Osobe ovlaštene za davanje informacija u vezi s ovim javnim pozivom i adrese za postavljanje upita:

Amra Lojić, e-mail: amra.lojic@mf.ks.gov.ba

Lejla Elezović, e-mail: lejla.elezovic@mf.ks.gov.ba

Azra Hadžić Frljak, e-mail: azra.hadzic-frljak@mf.ks.gov.ba

Azra Šurković, e-mail: azra.surkovic@mf.ks.gov.ba

Nejra Skenderagić, e-mail: nejra.skenderagic@mf.ks.gov.ba

Upite postavljati na sve gore navedene e-mail adrese.



OBRAZAC PONUDE

Broj ponude: _____

Datum: _____

UGOVORNI ORGAN:

Naziv ugovornog organa	KANTON SARAJEVO, MINISTARSTVO FINANSIJA
Adresa	REISA DŽEMALUDINA ČAUŠEVIĆA BR.1
Sjedište	71000 SARAJEVO

PONUĐAČ

Naziv i sjedište ponuđača	
Naziv, adresa i JIB za svakog člana grupe ponuđača (ukoliko se radi o grupi ponuđača)	
Adresa	
IDB/JIB	
Broj žiro računa	
Da li je ponuđač u sistemu PDV:	
Adresa za dostavu pošte	
E – mail	
Kontakt osoba	
Broj telefona	
Broj faksa	

IZJAVA PONUĐAČA*

U skladu sa Javnim pozivom za dugoročno kreditno zaduživanje Kantona Sarajevo broj: 08-04-11-37002-4/25 od 02.07.2025. godine koji će se objaviti na web stranici Ministarstva finansija Kantona Sarajevo 02.07.2025. godine i 03.07.2025.godine u dnevnim novinama, dostavljamo vam ponudu i izjavljujemo sljedeće:

Ovom ponudom odgovaramo zahtjevima iz Javnog poziva, u skladu sa uslovima utvrđenim u Javnom pozivu, kriterijima i utvrđenim rokovima, bez ikakvih rezervi ili ograničenja.

1. Iznos, visina kamatne stope, naknade i ročnost kredita za koji banka daje ponudu

- Iznos kredita _____ KM
- Visina kamatne stope _____ % godišnje
- Visina naknade _____ %
- Visina kamatne stope i naknade (ukupno EKS) _____ %
- Vrsta kamatne stope _____
- Rok otplate kredita _____ (sa uključene tri godine grace perioda).

2. Naša ponuda važi _____ (slovima) dana.

3. Ako naša ponuda bude odabrana obavezujemo se dostaviti dokaze kvalificiranosti koji su traženi Javnim pozivom.

Ime i prezime osobe koja je ovlaštena da predstavlja ponuđača:

Potpis ovlaštene osobe

Mjesto i datum:

Pečat ponuđača:

Uz ponudu je dostavljena sljedeća dokumentacija:

(Popis dostavljenih dokumenata, izjava i obrazaca sa nazivima istih)

- 1
- 2
- 3
- 4
- 5
- 6
- 7

IZJAVA

U skladu sa Javnim pozivom dugoročnog kreditnog zaduživanja Kantona Sarajevo broj: 08-04-11-37002-4/25 od 02.07.2025. godine objavljenim na internet stranici Ministarstva finansija Kantona Sarajevo (www.mf.ks.gov.ba) i 03.07.2025.godine u dnevnim novinama, (u daljem tekstu: Javni poziv) ja, dole potpisani, kao ovlaštena osoba _____ (u daljem tekstu: Banka), pod moralnom i materijalnom odgovornošću izjavljujem da:

1. Banka izražava interes za kreditiranje Kantona Sarajevo, detaljno opisanog u tački 3. Javnog poziva, na način i pod uslovima utvrđenim u Javnom pozivu;
2. Banka posjeduje potrebne dozvole za rad;
3. Banka u krivičnom postupku nije osuđena pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;
4. Banka nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili nije predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;
5. Banka je ispunila obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;
6. Banka je ispunila obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;

Prihvatam da će Ministarstvo finansija Kantona Sarajevo odbiti učešće Banke u postupku po Javnom pozivu ukoliko je Banka propustila dostaviti ili dostavila pogrešne podatke u ovoj izjavi ili odbila potpisati ovu izjavu, ili ukoliko Ministarstvo provjerom utvrdi da Banka ne ispunjava jedan od kvalifikacionih uslova navedenih u tački 4. Javnog poziva.

Izjavljeno: _____
(mjesto i datum)

(funkcija, ime i prezime,
potpis i pečat)

Lista projekata - namjena kreditnih sredstava

Sub-analitika	OPIS	Iznos zaduženja (KM)
	Ministarstvo za boračka pitanja Kantona Sarajevo	1.000.000,00
DAU013	Kupovina stanova u vlasništvo za boračku populaciju	1.000.000,00
	Javna ustanova "Memorijalni centar Sarajevo"	1.000.000,00
DBU001	Sredstva za šehidska groblja i groblja poginulih boraca	1.000.000,00
	Ministarstvo saobraćaja Kantona Sarajevo	3.526.350,00
EAX052	Rješavanje imovinsko - pravnih odnosa	3.126.350,00
EAX049	Nabavka stalnih sredstava u obliku prava	400.000,00
	Ministarstvo unutrašnjih poslova Kantona Sarajevo	25.073.650,00
HAX001	Nabavka helikoptera	23.073.650,00
HAX033	Izgradnja hangara za helikopter	2.000.000,00
	Uprava policije Kantona Sarajevo	4.050.000,00
HBX001	Nabavka opreme	4.050.000,00
	Ministarstvo privrede Kantona Sarajevo	2.300.000,00
IAI007	Infrastrukturno uređenje i rješavanje imovinsko-pravnih odnosa u poslovnim zonama KS	800.000,00
IAU041	Projekat opremanja prihvatilišta pasa lutalica	1.500.000,00
	Ministarstvo zdravstva Sarajevo	5.950.000,00
KAU0B3	Izgradnja, rekonstrukcija i opremanje javnih zdravstvenih ustanova Kantona Sarajevo	5.950.000,00
	Ministarstvo za odgoj i obrazovanje Kantona Sarajevo	7.000.000,00
LAX0C1	Sufinansiranje izgradnje OŠ na Stupu	7.000.000,00
	JU "Narodno pozorište"	100.000,00
	Nabavka opreme	100.000,00
	Akumulirani deficit iz prethodnih godina	40.000.000,00
SVEUKUPNO		90.000.000,00

Kanton Sarajevo, ul. Reisa Džemaludina Čauševića 1., 71000 Sarajevo, ID: 4200093570000, po ovlaštenju Ministarstvo finansija Kantona Sarajevo, kojeg zastupa ministar finansija Kantona Sarajevo Dr. Afan Kalamujić (u daljem tekstu: Korisnik kredita)

i

_____, ul. _____, ID: _____ koju zastupa
predsjednik Uprave _____ i član Uprave _____ (u daljem tekstu:
Banka)

z a k l j u č u j u

U G O V O R O DUGOROČNOM KREDITNOM ZADUŽENJU KANTONA SARAJEVO

I UVOD

Član 1.

Ovaj ugovor se zaključuje na osnovu provedenog Javnog poziva za dugoročno kreditno zaduživanje Kantona Sarajevo u 2025 godini broj: 08-04-11-37002-4/25 od 02.07.2025. godine, Odluke ministra finansija Kantona Sarajevo o izboru banke za kreditno zaduženje Kantona Sarajevo u 2025. godini, broj: _____/25 od _____ 2025. godine, Odluke Vlade Kantona Sarajevo o dugoročnom kreditnom zaduženju Kantona Sarajevo broj: _____ od _____ 2025. godine i Odluke Kreditnog/Nadzornog odbora Banke broj: _____ od _____ 2025. godine.

II PREDMET UGOVORA

Član 2.

Predmet ovog ugovora je kreditiranje kapitalnih projekata i akumuliranog deficita iz prethodnih godina planiranih u Budžetu Kantona Sarajevo za 2025. godinu, u iznosu _____ KM (slovima: _____ KM).

III NAMJENA KREDITA

Član 3.

Kreditna sredstva će se koristiti za namjene utvrđene u Tabelarnom prikazu projekata - namjena kreditnih sredstava.

IV USLOVI KREDITA

Član 4.

4.1. Ugovorne strane su se sporazumjele o uslovima ovog ugovora:

a) Ovim ugovorom utvrđuje se da Banka odobrava kredit Korisniku kredita u ukupnom iznosu od _____,00 KM (slovima _____ KM), (u daljem tekstu: Kredit), a Korisnik kredita se obavezuje platiti ugovorenu cijenu, te vratiti cjelokupan iznos Kredita i ugovorene cijene, pod uslovima, u vrijeme i na način kako je utvrđeno ovim ugovorom.

b) Za odobreni iznos Kredita nominalna godišnja kamatna stopa iznosi _____ % fiksno, dok je efektivna kamatna stopa (EKS) _____ %. Naknada za obradu kredita iznosi _____ % od iznosa odobrenog kredita, odnosno _____ KM, jednokratno.

4.2. Cijena iz člana 5. ovog ugovora neće se mijenjati u toku izvršenja ovog ugovora i ne podliježe bilo kakvim promjenama.

V CIJENA KREDITA

Član 5.

Korisnik kredita za odobreni Kredit u iznosu _____ KM (slovima: _____ KM), plaća Banci cijenu u ukupnom iznosu _____ KM (slovima: _____ KM).

Ukupna cijena Kredita sastoji se od:

- _____ KM ukupna kamata
- _____ KM jednokratna naknada za obradu Kredita

Banka će formirati konačan otplatni plan koji ne može biti veći od dostavljene ponude Banke.

Sastavni dio ovog ugovora je Ponuda ponuđača broj: _____ od _____ 2025 . godine protokolisana na protokolu Kantona Sarajevo pod brojem: _____ od _____ 2025. godine i otplatni plan Banke.

VI KORIŠTENJE, NAČIN I ROK OTPLATE KREDITA

Član 6.

6.1. Korištenje Kredita

Banka će doznačiti Kredit Korisniku kredita u jednom i punom ugovorenom iznosu.

Banka će izvršiti uplatu Kredita direktno u korist Jedinstvenog računa trezora Kantona Sarajevo (JRT) Korisnika kredita i to na transakcijski račun broj: _____ kod _____ banke, u roku od tri (3) radna dana od dana zaključenja ugovora.

6.2. Način i rok otplate kredita

6.2.1. Rok otplate kredita je 10 (deset) godina uključujući tri (3) godine grace perioda koji je uključen u rok otplate. Definisani otplatni plan je na ukupan iznos kredita iz člana 2. ovog ugovora.

6.2.2. Kredit se otplaćuje sedam (7) godina u 28 (dvadesetosam) jednakih kvartalnih rata nakon isteka grace perioda. Grace period su tri (3) godine, počev od dana doznake sredstava na transakcijski račun Korisnika kredita. Prva rata dospijeva za plaćanje na kraju prvog kvartala po isteku grace perioda.

6.2.3. Obračun i plaćanje kamate vrši se kvartalno unazad. Korisnik kredita u grace periodu, vraća samo dio Kredita (kamatu) definisanog otplatnim planom Banke koji je sastavni dio ovog ugovora.

6.2.4. Rate kredita se plaćaju u KM (konvertibilnim markama) na dan dospjeća obaveze, odnosno prema otplatnom planu Banke.

6.2.5. Na sve dospjele, a neplaćene iznose koje Korisnik kredita duguje na osnovu ovog ugovora, nakon isteka roka od osam (8) dana obračunava se i naplaćuje kamata za kašnjenje u visini zakonske zatezne kamate u Federaciji Bosne i Hercegovine.

6.2.6. Sva plaćanja Korisnik kredita vrši na osnovu pismene obavijesti Banke, dostavljene putem Protokola Kantona Sarajevo, najmanje 10 (deset) dana prije datuma dospjeća obaveza, odnosno otplatnog plana koji je sastavni dio ovog ugovora.

6.2.7. Korisnik Kredita može otplatiti kredit po ovom ugovoru, djelomično ili u cjelosti i prije dospjeća, uz naknadu od 0% na iznos vraćene glavnice, pod uslovom da je o tome obavijestio Banku najmanje 10 (deset) radnih dana unaprijed.

VII OBAVEZE UGOVORNIH STRANA

Član 7.

7.1. Korisnik kredita je dužan:

- a) da Budžet Kantona Sarajevo za 2025. godinu u kojem su planirani primici od domaćeg zaduživanja i koji je objavljen u „Službenim novinama Kantona Sarajevo“, broj: 13/25, i sve naredne budžete do kraja otplate kredita, kao i odgovarajuću odluku o zaduženju u skladu sa Zakonom o dugu, zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, br. 45/25) učini dostupnim na www.mf.ks.gov.ba.
 - b) da učini dostupnim finansijske izvještaje i ostalu dokumentaciju potrebnu za obradu kreditnog zahtjeva, a u skladu sa odlukama Agencije za bankarstvo Federacije Bosne i Hercegovine.
- 7.1.1. u svrhu osiguranja otplate Kredita po ovom ugovoru, Korisnik kredita je dužan po potpisivanju ovog ugovora osigurati i predati Banci kao instrument obezbjeđenja urednog povrata kredita _____ bjanko potpisanih i ovjerenih mjenica, sa ovlaštenjem za popunu. Korisnik kredita ovlašćuje Banku da primljene bjanko mjenice može koristiti za naplatu dospjelog a neizmirenog potraživanja po ovom ugovoru. U tom slučaju ovlašćuje se Banka da može u svaku primljenu bjanko mjenicu upisati iznos svih dospjelih, a neizmirenih potraživanja na dan popunjavanja mjenice, zatim datum dospijeca, upisati sve druge nedostajuće sastojke, te je podnijeti na isplatu, odnosno da mjenicom može provesti sve druge propisane radnje radi naplate mjeničnog potraživanja. Mjenice će biti deponovane kod Banke. Po otplati kredita Banka će izvršiti povrat instrumenata obezbjeđenja po Kreditu i izdati potvrdu o izvršenoj otplati Kredita.

7.2. Banka je dužna:

Izvršiti doznačavanje Kredita Korisniku kredita na način kako je definisano u članu 6. tačka 6.1. ovog ugovora.

VIII POSEBNI USLOVI

Član 8.

- 8.1. Ugovorne strane Banka i Korisnik kredita su dužni da svo vrijeme tokom trajanja ovog ugovora preduzimaju sve potrebne mjere u cilju otkrivanja i sprečavanja pranja novca i finansiranja terorističkih aktivnosti u skladu sa odredbama Zakona o sprečavanju pranja novca i finansiranja terorističkih aktivnosti („Službeni glasnik Bosne i Hercegovine“, broj: 13/24).
- 8.2. Ugovorne strane Banka i Korisnik kredita su dužni da preduzimaju sve potrebne mjere i da poštivaju sve zakone i propise vezano za ekološke standarde u cilju osiguravanja zaštite i poboljšanja okoliša u skladu sa odredbama, uključujući ali ne ograničavajući se na Zakon o zaštiti okoliša/životne sredine, Zakon o zaštiti voda, Zakon o zaštiti prirode, Zakon o zaštiti zraka, Zakon o šumama, Zakon o prostornom uređenju/uređenju prostora, Zakon o koncesijama, Zakon o upravljanju otpadom, te sve ostale relevantne ekološke, zdravstvene i sigurnosne zakone na lokalnom, kantonalnom, entitetskom i državnom nivou.
- 8.3. Sva potraživanja koja Banka ima, ili će imati prema Korisniku kredita, tretirati će se na pari passu osnovi u odnosu na bilo koje drugo potraživanje od strane ostalih vjerovnika Korisnika kredita.

IX OTKAZ I RASKID UGOVORA

Član 9.

- 9.1. Banka ima pravo otkazati Ugovor o kreditu ako Korisnik kredita koristi kredit protivno ugovorenoj namjeni, u slučaju insolventnosti Korisnika kredita, prestanka pravne osobe i potraživanja po ovom ugovornom odnosu učiniti trenutno dospjelim.

Ugovor se otkazuje dostavom otkaznog pisma, bez otkaznog roka, a raskida dostavom obavijesti o raskidu ugovora, s tim da sva potraživanja Banke utvrđene na otkazanom/raskinutom ugovoru dospijevaju na naplatu danom otpreme otkaznog pisma/obavijesti na adresu registriranog sjedišta Korisnika kredita, odnosno na adresu o kojoj je navedeni uredno izvijestio Banku.

9.2. Banka ima pravo raskinuti ovaj ugovor i proglasiti obaveze po ovom ugovoru u cijelosti dospjelim u slučaju:

- kašnjenja u ispunjenju dospjelih obaveza iz člana 6. tačka 6.2. ovog ugovora i Otplatnog plana koji je sastavni dio ovog ugovora,
- neispunjenja obaveza iz ovog ugovora,
- nastanka materijalno relevantnih promjena ili potencijalno materijalno relevantnih promjena u finansijskom stanju Korisnika kredita ili ako finansijski izvještaji Korisnika kredita pokazuju da Korisnik kredita neće biti u mogućnosti ispunjavati o dospelju svoje obaveze temeljem ovog ugovora,
- otežava poslovanje ili narušava ugled Banke,
- u svim drugim slučajevima kada nastupe okolnosti i stanja koja bi mogla dovesti u pitanje naplativost potraživanja iz ugovorenih instrumenata osiguranja ili sposobnost Korisnika kredita da ispunji, odnosno ispunjava obaveze preuzete ovim ugovorom.

9.3. Otkazom/raskidom ovog ugovora o kreditu za Korisnika kredita nastaje obaveza da Banci plati ukupan neotplaćeni iznos kredita, dospjelu neplaćenu kamatu i eventualne troškove nastale otkazom/raskidom ovog ugovora.

X RASPOLAGANJE PODACIMA - SAGLASNOST

Član 10.

10.1. Potpisom ovog ugovora Korisnik kredita daje Banci neopozivu saglasnost da ima pravo da bitne informacije i zaštićene podatke u skladu sa Zakonom o zaštiti ličnih podataka do kojih dođe pri realizaciji ovog ugovora dostavlja članicama grupe Banke unutar države i izvan iste, te društvima sa kojima zaključi ovaj ugovor o poslovnoj saradnji i društvima koja se bave provjerom kreditne historije, statistikom, te onim državnim organima, odnosno institucijama kojima je Banka po osnovu zakonskih i podzakonskih propisa obavezna iste davati. Pri tome je Banka dužna osigurati povjerljivost postupanja i punu zaštitu bankovne tajne na strani svih osoba kojima će u skladu sa saglasnošću biti omogućen pristup zaštićenim podacima, kao i njihovo korištenje u sljedeće svrhe: u svrhu kreiranja zajedničke baze klijenata grupe, u svrhu provođenja mjera dubinske analize klijenata, u svrhu dostavljanja informativnih ponuda o uslugama koje pružaju članice navedene grupe, u svrhu upravljanja rizicima, u svrhu sprječavanja pranja novca i finansiranja terorizma.

10.2. Ugovorne strane su saglasne da će područje raspolaganja, prenosa i obrade podacima Korisnika od strane Banke urediti posebnom pisanom i unaprijed definiranom Saglasnosti za raspolaganje podacima koja čini sastavni dio ovog Ugovora, a sukladno važećim zakonskim propisima koji uređuju ovu oblast. Saglasnost se daje na period trajanja ugovornog/poslovnog odnosa s Bankom i neće biti opozvana.

XI ZAVRŠNE ODREDBE

Član 11.

11.1. Ugovorne strane potvrđuju da su pročitale Ugovor, bezuslovno ga prihvatile, te da su upoznate sa svim uslovima ovog kredita, što potvrđuju svojim potpisom.

11.2. Na sve što nije regulisano ovim Ugovorom, primjenjivat će se odredbe Zakona o obligacionim odnosima i drugih važećih zakona u Federaciji Bosne i Hercegovine.

11.3. Sva obavještenja, zahtjevi i drugi dopisi u vezi sa ovim Ugovorom, ugovorne strane su dužne sačiniti u pisanoj formi i iste dostaviti na adresu:

Za korisnika kredita:

Protokol Kantona Sarajevo,
ul. Reisa Džemaludina Čauševića broj 1.,
za Ministarstvo finansija Kantona Sarajevo
71 000 Sarajevo

Za Banku:

11.4. Ako se bilo koja od gornjih adresa promjeni, strane su o tome dužne odmah obavjestiti drugu ugovorenu stranu pismeno o novim adresama.

11.5. Svi sporovi koji proizilaze iz ovog ugovora ili u vezi sa njim, a koji ne budu riješeni sporazumno, između Korisnika kredita i Banke, rješavat će nadležni sud u Sarajevu.

Član 12.

Sastavni dio ovog ugovora čine:

1. Ponuda ponuđača broj: _____ od _____ .2025 . godine protokolirana na protokolu Kantona Sarajevo pod brojem: _____ od _____ 2025. godine,
2. Tabelarni prikaz projekata - namjena kreditnih sredstva i
3. Otplatni plan Banke.

Član 13.

Ovaj ugovor stupa na snagu danom potpisivanja obje ugovorne strane, i ostaje na snazi sve dok se njegove odredbe u potpunosti ne ispune.

XII PRIMJERCIM UGOVORA

Član 14.

Ovaj ugovor sačinjen je u četiri (4) istovjetna primjerka, od kojih po dva (2) dobija svaka ugovorna strana.

Korisnik kredita:

Banka:

KANTON SARAJEVO

Ministar finansija
Dr. Afan Kalamujić

Predsjednik Uprave

Član Uprave

Broj: _____/25

Sarajevo, 2025. godine

Broj: _____/25

Sarajevo, .2025. godine

